

Ezagut ezazu nekazaritza-ustiategietako higienari eta fitosanitarioen erabilerari buruzko kontrol ofizialen programa

ZERGATIK BEHAR DA NEKAZARITZA-EKOIZPEN PRIMARIOAN HIGIENA ETA FITOSANITARIOAK KONTROLATUKO DITUEN PROGRAMA BAT?

Programa hau, hain zuzen ere, [852/2004 Araudiaren \(CE\) I. eranskinak](#) “**higiene-paketearen**” inguruan ezartzen dituen xedapen komunitarioak eta nekazaritza-ekoizpen primarioko higienaren [9/2015 Errege Dekretua](#) betetzeko sortu da.

Orain arte, nekazaritza-ekoizpen primarioa ez zegoen sartuta [Nekazaritza-Elikagaien Katearen Kontrol Ofizialerako Planetan](#) (elikagaiak ekoizteko katean egiten diren kontrol ofizialak zehazten dituzten agirietan). **LEHENENGO ALDIZ 2016-2020ko PLANEAN** JASO DA NEKAZARITZA-EKOIZPEN PRIMARIOA.



EKOIZLEAREN ZEREGINA

Ustiategitik ateratzen diren produktuen gaineko segurtasunaren arduradun nagusia da. Hori dela eta, bere laboreekin lotuta egon daitezkeen arriskuak ezagutu eta kontrolatu behar ditu, eta haiek kontrolatzeko neurriak ezarri.

EKOIZLEAREN BETEBEHAR NAGUSIAK

- Ekoizpen primarioko higienaren egoera orokorra **KONTROLATZEA**.
- Ustiategian **ERREGISTRO DOKUMENTALAK** edukitzea eta gordetzea.
- Laboreetan **IZURRIEN KUDEAKETA INTEGRATUAREN** printzipioak ezartzea.

➔ [Arabako Foru Aldundia. Laguntzen zuzenen Zerbitzua](#)
Nekazaritza Zuzendaritza

☎ 945 18 18 18

➔ [Bizkaiko Foru Aldundia. Landare Ekoizpenaren Atala eta Nekazaritza Hobetzeko eta Landareak Babesteko Atala](#)
Nekazaritza Zuzendaritza

☎ 944 06 68 70 ó 944 06 68 69

➔ [Gipuzkoako Foru Aldundia](#)
Landare Alorreko Unitatea
Nekazaritzako eta Landa Garapeneko Zuzendaritza

☎ 943 11 20 65

➔ [Eusko Jaurlaritza](#)
Nekazaritza eta Abeltzaintza Zuzendaritza

☎ 945 01 96 49

➔ [ELIKA](#)
Nekazaritzako Elikagaien Segurtasunerako Euskal Fundazioa

☎ 945 12 21 73

EUSKO JAURLARITZA



GOBIERNO VASCO

EKONOMIAREN GARAPEN
ETA AZPIEGITURA SAILA

DEPARTAMENTO DE DESARROLLO
ECONÓMICO E INFRAESTRUCTURAS



Arabako Foru
Aldundia
Diputación
Foral de Alava



Gipuzkoako Foru Aldundia
Diputación Foral de Gipuzkoa



eliko



EAEk kontrol-neurriak jarri ditu abian, higienari eta fitosanitarioen erabilerari buruzko arauak betetzeko.



NORI ERAGITEN DIOTE?

NEKAZARITZA-EKOIZPEN PRIMARIOAREN ALORREAN JARDUTEN DUTEN USTIATEGIEI.

Nekazaritza-ekoizpen bera ez ezik, hauek ere nekazaritza-ekoizpen primarioaren barruan sartzen dira:

- **Ekoizten den lekuko garraioa, biltegiatzea eta ontziratzea eta establezimendu baterako garraioa.**
- **Ekoizleak produktu primarioen kopuru txikiak zuzenean hornitzea** kontsumitzaileei edo txikizkako saltokiei.
- Elikakatean sartuko diren **animalientzako jana saltzen duten nekazaritza-ustiategiak.**

Nekazaritza-ekoizpen primariotik kanpo daude ekoizpen osoa etxeko kontsumo pribaturako gauzatzen duten **ustiategiak** (9/2015 Dekretua). Fitosanitarioen erabilerarako ezarritako eskakizunak soilik bete beharko dituzte haiek (fitosanitarioak modu profesionalean erabiltzen badituzte).

NORI EGINGO ZAIZKIO KONTROLAK?

Kontrolak, hasiera batean, **REGEPAn** ([Nekazaritza Ekoizpenaren Erregistro Nagusia](#)) inskribatutako nekazaritza-ustiategi guztiei egingo zaizkie.

ZER DA REGEPA?

REGIPA nahitaezko erregistroa da, eta nekazari-tzako ustiategi eta abeltzaintza eta nekazaritzako ustiategi misto guztiak biltzen ditu, haien tamaina edozein dela ere.

Ez dute REGEPAn izenik eman behar ekoizpen OSOA ETXEKO KONTSUMO PRIBATURAKO gauzatzen duten ustiategiek; bai, ordea, ekoizpen osoa edo ekoizpe-naren zati bat salmentarako gauzatzen dutenek.

ZERTAN DAUTZA KONTROLAK?

Ustiategiak bisitatuko dira, nekazariari aplikatzekoak zaizkien baldintzen berri emateko, araurik hausten den aztertzeko eta hutsak zuzentzeko zer neurri har daitezkeen aholkatzeko.

Bisita horietan, honako hauei buruzko galderen **kontrol-zerrenda** bat egingo da:

- Nekazaritzarako **ura**.
- Produktu **fitosanitarioak**.
- **Ongarriak** eta **medeagarriak**.
- Fitosanitarioak aplikatzeko **ekipoak**.
- Nekazaritzarako **makinak**.
- Lotuta dauden operazioetako **higienea eta manipulazioa** (ustiategiko bilketa, zama-lanak, garraioa, biltegiatzea eta ontziratzea).
- Uzten **trazabilitatea**.
- **Langileak**: higienaren eta fitosanitarioen inguruko prestakuntza eta produktua manipulatzeko higienari eta segurtasunari buruzko informazioa.
- **Dokumentazioa eta erregistroak**.

Halaber, **laginak hartu** ahalko dira produktu fitosanitarioak aztertzeko, baita uraren eta landare-ekaien laginak ere analisi mikrobiologikoa egiteko.



Agirien bidezko kontrola egingo da, ikuskatzaileak egiazta ditzan. Hauek eskatuko dira:

- Ustiapen-koadernoak.
- [Aholkularitzaren dokumentazioa](#).
- **REGIPA**ko inskripzioa.
- **ROPO**ko ([Defentsa Fitosanitarioko Baliabideen Ekoizleen eta Operadoreen Erregistro Ofizial](#)) inskripzioa.
- Lan-kontratua eta ROPOko inskripzioa, tratamenduak tratamendu-enpresak egiten baditu.
- Produktu fitosanitarioen aplikatzailearen txartela.
- **ROMA**ko ([Nekazaritza Makinen Erregistro Ofizial](#)) inskripzioaren ziurtagiria.
- **ITEAF** baimenduek aplikazio-ekipoen gainean egindako ikuskapenen ziurtagiria.
- Enpresa kudeatzaile baimendu bati (SIGFITO) eta/edo entrega-puntuetan ontzi hutsak eman izanaren egiaztagiriak.
- Produktu fitosanitarioen erosketa-fakturak.
- Uzta entregatu izanaren albaranak edo saldu izanaren fakturak.
- Higiene-jardunbide egokiei buruzko informazioa eta/edo prestakuntza.
- Ur araztuak erabiltzen badira, arroko organismoaren [administrazio-baimena](#).
- Arazketako lohiak erabiltzen badira, lohiak aplikatu aurretiko eta ondorengo analitikak.
- [Nitratok kalte egin diezaieketen eremuetan](#), ongarritze-plana eta ongarritzearen eta medeapenen erregistroa.

